



Oppnemning av skyldskiftemenn.

Til å halda skyldskifte over eigedomen Ystebø,

Jun: 209 74. 12. 12. 74

G.nr. | Br.nr. | Skyld
 99, | 8, | 1,38 ; Radøy herad,
 eigar Eivind Ystebø, adr. 5127 Sletta,
 kjøpar: Nils Ystebø, adr. Slettestølen, 5086 Salhus,

vert desse oppnemnde:

1. Andreas Gjerde,
2. Olai Ystebø,
3. Elias J. Namtvedt,

og til varamenn:

1. Odd Mellingen,
2. Nils Gjerde.

Radøy Lensmannskontor

M.A. Nensmannskontor den 12. nov. 1974.

for lensmø:

For oppnemninga kr. ...



I. Fjellanger.
 -betj.

Gjeldande føreseger om skyldskifte m. v. er å finna i lov nr. 2 frå 20. august 1909 med tilleggslov frå 14. juli 1916 (nr. 2), 16. juli 1936 og 18. mars 1955, jfr. lov nr. 2 frå 9. februar 1923 § 21.

Lovparagrafane 3 og 8 inneheld vedtekter om merking av og kjenneteikn for grensene. Det er føresetnaden at desse opplysningane er så utførlege og noggranne som tilhøva på staden tiller. Det må berre nyttast varige skiftemerke.

Mennene skal etter beste skjøn skifta hovudbølet si skyld med heile øre på dei bruka som vert fråskilde ved skiftet (§ 4 i lova). Kvart bruk skal setjast i minst 1 øre i skyld, men dersom noko bruk berre får 1 øre i skyld, kan mennene — om dei finn det rettast — fastsetja at det ikkje skal gjerast noko frådrag i skylda til hovudbølet for denne delen. Jfr. § 4 i lov frå 14. juli 1916 (nemnd ovanfor).

Etter § 5 i lova skal mennene sjå til at kvart bruk får så tenleg form som tilhøva gjev rom for både når det gjeld freding og bruk. Om det er naudsynt, bør mennene difor under skyldskiftet prøva å få partane til å gjera dei endringar som trengst med omsyn til form og grenser for bruka. Ny sameige må ikkje koma i stand. Mennene kan likevel gje samtykke til at bruka får ha utmarka heilt eller delvis som sameige, dersom dei finn at vidaregåande deling ikkje er tenleg. Dersom noko av den eigedomen som vert delt er jordbruk med skog eller med fjellstrekning, må det med skiftet følgja skriftleg fråsegn, som viser at det ikkje kjem i strid med reglane i lov nr. 11 av 20. august 1915. Denne lova set forbod mot å skilja sjølve bruket frå det naudsynte skog- og fjellområdet som høyrer bruket til.

Til rettleiing ved den skriftlege utforminga av skyldskiftet viser ein til § 8 i lov frå 20. august 1909, der rekkjefølgja av punkta i skyldskiftet er nemnd. I skyldskiftet skal også nemnast namnet på det utskilde bruket (§ 24 i lova). Eit namn som alt er i bruk som ættenamn, og som ikkje høyrer til dei meir vanlege, må ikkje i noko tilfelle nyttast.

Har nokon av mennene ikkje gjeve slik lovnad som er nemnd i § 20 i lov nr. 1 frå 1/6 1917, skal han skriva under ei utsegn med etternemnde ordlyd før tenesta tek til, og utsegna skal sendast til sorenskrivaren saman med skyldskiftet: «Eg lovar at eg i alle saker vil gjera tenesta mi som skjønsmann samvitsfullt og etter beste overtyding. den 19 N.N.»

Skyldskifteformannen, eller den av mennene som dei vel til det, skal snarast råd er senda eller levera inn det skriftlege skyldskiftet til sorenskrivaren til tinglysing (§ 9 i lova). Tinglysinga kostar kr. 30,—.

Skyldskiftemennene har rett på lovfest godtgjerdslø for kvar dag eller del av dag som går med til å halda skyldskiftet. Vert det halde fleire skyldskifte same dagen etter krav frå same personen, må han betala fullt vederlag for det fyrste skiftet, og kr. 5 for kvart av dei andre.

Kvart bruk som vert utskilt vert å rekna for eitt skyldskifte. Skyldskiftemennene har rett på skyssgodtgjerdslø etter vanleg regulativ for reiser i samband med skyldskiftet, dersom dei har minst 3 km veglengd kvar veg. Den som har reist krav om skyldskiftet må også bera dette utlegget.